

Inzko predstavio proces izbornih promjena u Mostaru predstavnicima političkih stranaka



Visoki predstavnik Valentin Inzko danas se sastao s predstavnicima nekoliko političkih stranaka. Tokom sastanka, visoki predstavnik je predstavio detalje procesa tokom kojeg će OHR pružiti svoju pomoć kako bi bila osigurana provedba odluke Ustavnog suda BiH u vezi s izbornim procesom u Mostaru i kako bi bilo omogućeno građanima Mostara da što prije izađu na izbore.

Visoki predstavnik je naglasio da je OHR poduzeo ovaj korak s obzirom da su svi dosadašnji naponi domaćih aktera doživjeli neuspjeh i da Mostarci neće glasati 7. oktobra kada u svim drugim dijelovima BiH građani izlaze na izbore.

„Cilj naših napora je da pomognemo u pronalaženju rješenja na nivou domaćih aktera“, rekao je visoki predstavnik. Naglasio je da Upravni odbor Vijeća za provedbu mira u potpunosti podržava ulogu OHR-a i njegova nastojanja da pomogne u pronalaženju takvog rješenja.

Visoki predstavnik i njegov prvi zamjenik Roderick Moore danas su najavili da će se pronalaženju kompromisnog rješenja pristupiti u fazama. Prva faza bi trebala početi odmah i tokom nje će OHR raditi s Ekspertnom grupom za Mostar.